



VII “CLÁSICA TGM-TOLDOS GÓMEZ” 2023

O sábado 16 de setembro de 2023 celebrarase a **VII** edición da clásica “Toldos Gómez” 2023, carreira popular que organizarán o Clube Deportivo Arzúa e a Federación Galega de Atletismo.

As probas estarán baixo o control técnico do Comité Galego de Xuíces da Federación Galega de Atletismo e rexiranse polo seguinte:

REGULAMENTO

Artigo 1. Participación:

Esta proba pertence ó calendario oficial de probas da Federación Galega de Atletismo e nela poderán participar atletas federados e non federados. Establecerase unha clasificación final conxunta de todos os participantes.

Artigo 2. Lugar de saída e meta das probas:

As probas terán a súa saída e meta na “**Praza de Galiza**” na localidade de Arzúa. Ubicación da mesma: <https://goo.gl/maps/aKbuK1RRvAuHhx2YA>.

Artigo 3. Categorías, horarios e distancias das probas:

	CATEGORÍA	ANOS DE NACEMENTO	DISTANCIA	HORARIO
MENORES SEN CLASIFICACIÓN	PITUFOS	2018 e posteriores	100 m aprox.	17:30 h
	SUB 8	2016 - 2017	300 m aprox.	17:40 h
MENORES	SUB 10	2014 – 2015	1000 m aprox.	17:50 h
	SUB 12	2012 – 2013		
	SUB 14	2010 – 2011		
	SUB 16	2008 – 2009	2000 m aprox	18:10 h
	SUB 18	2006 – 2007		
ABSOLUTA	SUB 20	2004 – 2005	10 km aprox.	18:30 h
	SUB 23	2002 – 2003		
	SENIOR	2001 ata 34 anos		
	MASTER 1	35 a 40 anos		
	MASTER 2	41 a 49 anos		
	MASTER 3	50 a 54 anos		
	MASTER 4	55 anos e superiores		

ENTREGA DE PREMIOS ÁS 20:00 h no lugar de saída / meta da proba

Artigo 3. Percorridos:

Os percorridos das probas serán expostos previamente nas páxinas webs www.emesports.es e www.carreirasgalegas.com.

Artigo 4. Inscricións:

O prazo de inscrición abrirase o venres 4 de Agosto e pecharase o xoves 14 de setembro ás 23:59 horas.

As mesmas poderán realizarse na páxina web www.emesports.es.

Cadro de prezos de inscrición:

PROBA	CATEGORÍAS	PREZO
10 K	De Sub 20 a Máster	7 €
2000 m	De Sub 14 a Sub 18	Gratuito
1000 m	Sub 10 e Sub 12	Gratuito
300 m	Pitufo	Gratuito

Artigo 5. Servizos complementarios.

A organización poñerá a disposición dos participantes os seguintes servizos:

- Duchas e vestiarios no Polideportivo Municipal de O Viso (Ubicación -> <https://goo.gl/maps/o7wdHFNaGcX7eNLS5>)
- Servizo de gardarroupa;
- Avituallamento final para todas as categorías e no punto kilométrico 5 para a proba de 10 km.

Artigo 6. Retirada dorsais e chips:

No lugar de saída / meta das probas (Praza de Galiza) a partir das 17:00 horas da tarde e ata 30 minutos antes do inicio de cada proba en cuestión.

Artigo 7. Colocación do dorsal:

Durante a competición deberá levarse o dorsal na parte anterior do corpo, na zona próxima ao peito e de xeito totalmente visible, sen dobreces. Todo corredor/a que incumpra esta norma ou entre na liña de meta sen o dorsal será descualificado a criterio do xuíz árbitro da competición.

Artigo 8. Seguros,

Todos os participantes inscritos estarán amparados por unha póliza de seguro de accidentes e responsabilidade civil concertada pola Federación Galega de Atletismo. Estarán excluídos os derivados dun padecemento latente, imprudencia, negligencia, inobservancia das leis, etc... Tamén quedarán excluídos os producidos por desprazamento a/ou desde o lugar no que se desenvolve a proba.

Artigo 9. Responsabilidade na inscrición.

Toda persoa que corra sen estar inscrita, farao baixo a súa responsabilidade e non poderá participar de trofeo ou agasallo. Tampouco estará amparada polos seguros da proba. Quedará prohibido ceder o dorsal ou correr co dorsal outorgado a outro/a participante.

Artigo 10. Servizos sanitarios obrigatorios:

A organización contará cos servizos sanitarios obrigatorios por lei, ambulancia e médico segundo volume de participantes.

Artigo 11. Premios e agasallos:

Todos os participantes inscritos en tempo e prazo na proba recibirán un agasallo técnico de organización. A maiores outorgaranse os seguintes trofeos:

- Trofeo ás/ós tres primeiras/os clasificadas/os de cada categoría establecida no presente regulamento, **agás na categoría pitufo que non haberá clasificación nin premiación.**
- Medallas a todas/os as/os participantes nas categorías pitufo, sub 10 e sub 12. Outorgáselle unha vez crucen a liña de meta.
- Trofeo especial ás/ós tres primeiras/os clasificadas/os da proba absoluta e ós 3 mellores equipos da clasificación final.
- Premio especial ao primeiro/a clasificado/a de cada categoría establecida no presente regulamento consistente nun **QUEIXO ARZÚA-ULLOA D.O.P.**

PREMIOS ECONÓMICOS

Premios en metálico individuais:

CATEGORÍA	POSTO	TROFEO	PREMIO
Absoluta homes/mulleres	1 ^{o/a}	Si	175 €
Absoluta homes/mulleres	2 ^{o/a}	Si	125 €
Absoluta homes/mulleres	3 ^{o/a}	Si	100 €

Premios a clubs federados:

CATEGORÍA	POSTO	TROFEO	PREMIO
Equipos proba Absoluta	1 ^o	Si	200 €
Equipos proba Absoluta	2 ^o	Si	100 €
Equipos proba Absoluta	3 ^o	Si	75 €

A clasificación de equipos establecerase pola suma dos postos dos 8 primeiros clasificados do mesmo, pola suma dos seus postos. Deberán cubrir a opción de "**Participa na clasificación de clubs**" no formulario de inscrición individual de cada un dos compoñentes do equipo.

Nesta clasificación poderán tomar parte os clubs federados con atletas que teñan licenza federativa en vigor. Deberán **apuntarse (imprescindible) co mesmo nome na inscrición.**

A maiores deberán remitir un email coa relación de participantes e nome do equipo á dirección santiago@atletismo.gal dentro do prazo de inscrición da proba. A composición dos equipos poderá ser mixta.

Os premios en metálico estarán suxeitos ás retencións legais vixentes.

Artigo 12. PARTICIPACIÓN DE ATLETAS DOUTRAS FEDERACIÓNS AUTONÓMICAS E ESTRANXEIROS/AS:.

Esta carreira está incluída no calendario autonómico da Federación Galega de Atletismo, polo cal a participación de atletas estranxeiros e doutras federacións autonómicas rexerese de acordo co disposto na sección terceira, artigos 16, 17 e 18 do regulamento de competicións da Real Federación Española de Atletismo, que se pode consultar no seguinte ligazón:

<https://atletismorfea.es/sites/default/files/2023-04/Reglamento%20de%20Competici%C3%B3n.pdf>

Artigo 13. Vehículos.

Os únicos vehículos que poderán seguir a proba, serán os autorizados pola organización. Os mesmos estarán debidamente sinalizados.

Artigo 14. Retirada de competición.

Os servizos médicos da competición, os xuíces ou o persoal da organización, estarán facultados para retirar durante a proba a calquera atleta que manifeste un mal estado físico, non realice o percorrido completo, non leve o dorsal visible ou manifeste un comportamento antideportivo.

Artigo 15. Reclamacións.

As reclamacións ós resultados oficiais, deberán formularse verbalmente ao xuíz árbitro da competición non máis tarde de 30 minutos despois da publicación dos mesmos.

Artigo 16. Modificación regulamento de competición.

A organización resérvase o dereito a modificar este regulamento se as circunstancias así o aconsellasen (informando oportunamente). Todo o non recollido no presente regulamento resolverase de acordo ás normas para probas en ruta da **FGA** e **RFEA**, nesta orde.

Artigo 17. Aceptación do regulamento.

Todos os participantes, no momento de facer a súa inscrición e polo feito de tomar a saída na carreira, aceptan o presente regulamento, e en caso de dúbida ou de surxir algunha situación non reflexada no mesmo, aceptárase o que dispoña o Comité Organizador.

NOTA: Esta proba pertence ao Calendario Oficial da Federación Galega de Atletismo e mediante a súa inscrición o corredor consente expresamente que os seus datos básicos sexan cedidos a esta entidade para a tramitación, ante a compañía de seguros, dos seguros obrigatorios de accidentes e Responsabilidade Civil así como a xestión da licencia de día de ranking popular e probas de ruta. En todo caso e tal como establece a lei de Protección de Datos, o interesado pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Atletismo. Avda. de Glasgow 13 15008 A Coruña.

Entidades colaboradoras:

